



სსიპ გარემოს ეროვნული სააგენტო
LEPL NATIONAL ENVIRONMENTAL AGENCY

0112, საქართველო, თბილისი, დ. აგმაშenebeli ბაზ. 150
150 D. Agmashenebeli ave. 0112, Tbilisi, Georgia

TEL: +995 32 2439503 FAX: +995 32 2439502
E-mail: info@nea.gov.ge Web: www.nea.gov.ge

N 21/8738
13/10/2023

8738-21-2-202310131854



შპს „სოკარ ჯორჯია პეტროლეუმს“

მის: ქ. თბილისი, 300 არაგველის ქუჩა, №24

ელ. ფოსტა: info@sgp.ge

ასლი: სსიპ გარემოსდაცვითი ინფორმაციისა და განათლების ცენტრს

სსიპ გარემოს ეროვნულმა სააგენტომ განიხილა თქვენი 2023 წლის 5 ოქტომბრის N9692 სკოპინგის განცხადება, რომელიც ეხება ქ. თბილისში, 100 მ³-ზე მეტი საერთო მოცულობის ბიტუმსაცავის და 1100 მ³ მოცულობის გათხევადებული აირის საცავის მოწყობა-ექსპლუატაციას და გაცნობებთ შემდეგს:

წარმოდგენილი სკოპინგის ანგარიშის მიხედვით, ბიტუმსაცავების მოწყობა დაგეგმილია ქ. თბილისში, 37096 მ² ფართობის მქონე არასასოფლო-სამეურნეო დანიშნულების მიწის ნაკვეთზე, რომლის საკადასტრო კოდია: 01.19.15.005.061. აღნიშნულ ტერიტორიაზე შპს „სოკარ ჯორჯია პეტროლეუმის“ 1100 მ³ ტევადობის გათხევადებული აირის საცავის მოწყობასა და ექსპლუატაციაზე გაცემულია გარემოსდაცვითი გადაწყვეტილება (ბრძანება N 2-179). გარემოსდაცვითი შეფასების კოდექსის მე-5 მუხლის, მე-12 ნაწილის თანახმად, „გარემოსდაცვითი გადაწყვეტილებით გათვალისწინებული საქმიანობის საწარმოო ტექნოლოგიის განსხვავებული ტექნოლოგიით შეცვლა ან/და ექსპლუატაციის პირობების შეცვლა, მათ შორის, წარმადობის გაზრდა, ამ კოდექსით განსაზღვრული სკრინინგის პროცედურისადმი დაქვემდებარებულ საქმიანობად მიიჩნევა. ამასთან გაცნობებთ, რომ თუ საქმიანობის განმახორციელებელი გეგმავს სკრინინგის პროცედურისადმი დაქვემდებარებული საქმიანობის განხორციელებას და მიაჩნია, რომ ამ საქმიანობისთვის აუცილებელია გარემოსდაცვითი გადაწყვეტილების გაცემა, იგი უფლებამოსილია სააგენტოს სკრინინგის ეტაპის გავლის გარეშე, ამ კოდექსის მე-8 მუხლით დადგენილი წესით წარუდგინოს სკოპინგის დასკვნის გაცემის თაობაზე განცხადება. ასეთ შემთხვევაში გამოიყენება გარემოსდაცვითი გადაწყვეტილების გაცემისთვის ამ კოდექსით დადგენილი მოთხოვნები. ვინაიდან დაგეგმილი საქმიანობა (100 მ³-ზე მეტი მოცულობის ბიტუმსაცავის მოწყობა) წარმოადგენს გარემოსდაცვითი გადაწყვეტილებით გათვალისწინებული საქმიანობის ექსპლუატაციის პირობების ცვლილებას, სკოპინგის ანგარიშში დაგეგმილ საქმიანობასთან ერთად, აღწერილი უნდა იქნეს ნავთობპროდუქტების საცავის ტერიტორიაზე განთავსებული ობიექტები (მათ შორის,

გარემოსდაცვითი გადაწყვეტილებით განსაზღვრული ობიექტები) არსებული/ფაქტობრივი მდგომარეობის გათვალისწინებით. ასევე, წარმოდგენილი უნდა იყოს გარემოზე მოსალოდნელი ზემოქმედებების შესახებ ინფორმაცია ობიექტზე არსებული და დაგეგმილი საქმიანობების გათვალისწინებით. გარდა ამისა, სკოპინგის განცხადებაში მითითებულია, რომ შპს „სოკარ ჯორჯია პეტროლეუმს“ დაგეგმილი აქვს 100 მ³-ზე მეტი საერთო მოცულობის ბიტუმსაცავის და 1100 მ³ მოცულობის გათხევადებული აირის საცავის მოწყობა. აღნიშნული საკითხი ბუნდოვანია და საჭიროებს დაზუსტებას, რადგან ქ. თბილისში, შპს „სოკარ ჯორჯია პეტროლეუმის“ 1100 მ³ ტევადობის გათხევადებული აირის საცავის მოწყობასა და ექსპლუატაციაზე 2020 წლის 26 თებერვალს გაცემულია გარემოსდაცვითი გადაწყვეტილება (ბრძანება N2-179).

დამატებით გაცნობებთ, რომ წარმოდგენილ დოკუმენტაციაში არ არის მოცემული და დაზუსტებას საჭიროებს საქმიანობასთან დაკავშირებული შემდეგი საკითხები:

- სკოპინგის ანგარიში მოიცავს ტერმინოლოგიურ უზუსტობებს, ურთიერთგამომრიცხავი და არარელევანტური შინაარსის წინადადებებს, ასევე დოკუმენტი სტრუქტურულად გაუმართავია და რთულად აღსაქმელია. ამასთან, დოკუმენტში მითითებულია დასკვნები, რომლებიც მოკლებულია დასაბუთებას. სკოპინგის ანგარიშში ცალკე თავების სახით, გასაგებად უნდა იქნეს წარმოდგენილი ინფორმაცია ობიექტზე არსებული მდგომარეობისა (მათ შორის 1100 მ³ ტევადობის გათხევადებული აირის საცავის გათვალისწინებით) და დაგეგმილი ცვლილებების შესახებ;
- წარმოდგენილი shp ფაილები მოიცავს ნავთობპროდუქტების საცავის მიწის ნაკვეთის პოლიგონურ ფენას. Shp ფაილებზე ასახული და ერთმანეთისგან გამოყოფილი უნდა იქნეს არსებული და დაგეგმილი ინფრასტრუქტურული ობიექტები, ასევე ცალკე ფენებად უნდა იყოს წარმოდგენილი გარემოსდაცვითი გადაწყვეტილებით გათვალისწინებული 1100 მ³ ტევადობის გათხევადებული აირის საცავი და მასთან დაკავშირებული ობიექტები;
- 5.2. თავში მოცემულია საწარმოს განთავსების მხოლოდ შერჩეული ალტერნატივა და სხვა ალტერნატიული ვარიანტები განხილული არ არის. ასევე შერჩეულ ალტერნატივასთან დაკავშირებით, წარმოდგენილი ინფორმაცია მოკლებულია დასაბუთებას და საჭიროებს დაზუსტებას;
- სკოპინგის ანგარიშში აღნიშნულია, რომ საწარმოს მოწყობის ეტაპზე შესასრულებელი მცირე მოცულობის სამუშაოების გათვალისწინებით, მოწყობის ეტაპზე ზემოქმედებები განხილვას არ ექვემდებარება. აღნიშნული ჩანაწერი საჭიროებს დაზუსტებას/დასაბუთებას;

სააგენტო სკოპინგის დასკვნის გაცემის მიზნით, ადმინისტრაციულ წარმოებას დაიწყებს ზემოაღნიშნული საკითხების გათვალისწინებით, განახლებული დოკუმენტაციის წარმოდგენის შემდეგ.

სსიპ გარემოს ეროვნული სააგენტო

3. 

